




REPUBLIKA E KOSOVËS
REPUBLIC OF KOSOVA
REPUBLIKA KOSOVA

KOMUNA E DEÇANIT
MUNICIPALITY OF DECAN
OPSTINA DECANI



Në bazë të nenit 12, paragrafi 12.2, pika c, dhe nenit 17 pika s të Ligjit nr. 03/L - 040, për vetëqeverisjen lokale ("Gazeta zyrtare e Republikës së Kosovës", nr. 28/15 qershor 2008), të nenit 14, paragrafi 23, neni 25 paragrafi 3, të Statutit të Komunës së Deçanit, 01.Nr.V-2, të dt. 04.05.2010, Kuvendi i Komunës së Deçanit, në mbledhjen e mbajtur me dt.30.03.2015, miratoi këtë

RR E G U L L O R E P Ë R

KUSHTET E MBAJTJES SË QENVE DHE MËNYRËN E VEPRIMIT NË RAST TË BRAKTISJES OSE HUMBJES SË TYRE DHE STREHIMORJA E QENVE ENDACAK

I. DISPOZITAT E PËRGJITHSHME

Qëllimi

Neni 1.

Me këtë rregullore përcaktohen kushtet dhe mënyrat e mbajtjes së qenve, mënyra e kontrollimit të shumimit të tyre, mënyra e mbajtjes së qenve të rrezikshëm, si dhe veprimet ndaj qenve të braktisur ose të humbur në territorin e komunës së Deçanit.

Përkufizimet

Neni 2.

Përkufizimet në këtë rregullore kanë kuptimin e përkufizimeve të dhëna në Ligjin për përkujdesjen ndaj kafshëve, Ligjin për veterinarinë, ligjet dhe aktet tjera nënligjore, të cilat kanë zbatim ndaj qenve :

1. "Mbajtës" - mbajtës i një qeni, është personi që është pronar apo që kujdeset dhe që është përgjegjës për rritjen, trajtimin, kujdesin dhe transportin e kafshës. Mbajtës është edhe pronari i objekteve për strehimin, rritjen, marketingun, transportimin apo kujdesin për qentë. Mbajtësi është përgjegjës për qentë që janë në kujdesin e tij apo të saj. Komuna është përgjegjëse, konsiderohet mbajtëse e qenve të braktisura dhe përkujdeset për zënien, kujdesin, strehimin, d.m.th. mbajtjen e kafshëve të braktisura në përputhje me dispozitat e kësaj rregulloreje;

HYRJE NË KRAHET E KOSOVËS	
REPUBLIKA E KOSOVËS • REPUBLIKA KOSOVA • REPUBLIC OF KOSOVA	
KOMUNA E DEÇANIT • OPSTINA DECANI • DECAN MUNICIPALITY	
Num. Dë: <u>7599</u>	Num. Dë: <u>7599</u>
From: <u>Ek. Deçan</u>	From: <u>7599</u>
Nr. i folqev: <u>01</u>	Data: <u>26.15</u>
Nr. Shtet: <u>01</u>	Data: <u>26.15</u>
Nr. Pajis: <u>01</u>	Data: <u>26.15</u>
DEÇAN, DECANI	

2. **"I/e braktisur"**, ka kuptimin e qenit që është lënë qëllimisht nga mbajtësi për të hequr dorë prej tij/saj. Ky term u referohet edhe qenve që mbajtësit e tyre i lënë anash nga pakujdesia, si dhe qenve të gjetur apo të lënë nga pronari/ja;
3. **"I/e humbur"**, ka kuptimin e qenit, që ka humbur pa dëshirën e mbajtësit, të cilin/cilën ai /ajo e kërkon;
4. **"Qen endacak"**, ka kuptimin e secilit qen, i cili nuk është në kontrollin e drejtpërdrejtë të mbajtësit ose nuk e pengon në lëvizje, që nënkupton edhe qentë e braktisur apo të humbur;
5. **"Qen i rrezikshëm"**, ka kuptimin e qenit, i cili pa qenë i provokuar, i shkakton njeriut apo kafshës lëndim ose i merr jetën, që është i rritur dhe i trajnuar për dyluftim me qentë tjerë;
6. **"Strehimore" apo "familje strehuese"**, ka kuptimin e strehimores në një komunë, qëllimi i së cilës është ofrimi i strehimit dhe kujdesit të përkohshëm qenve të braktisur dhe të humbur pas zënies së tyre.
7. **"AUV"**, Agjencia e Ushqimit dhe Veterinës;
8. **"Mikroçip"** ka kuptimin e një inplanti të vendosur nën lëkurën e qenit, sipas standardeve të përcaktuara;
9. **"Sterilizimi"**, ka kuptimin e shterpëzimit (të bushtrave) dhe kastrimit (të qenve), për ta parandaluar shumimin enorm të qenve ;
10. **"Veterinar"**, personi që i ka përfunduar studimet për veterinarin dhe i licencuar nga organi kompetent për ushtrimin e kësaj veprimtarie;
11. **"Teknik i veterinarisë"**, personi që e ka përfunduar shkollimin përkatës për veterinarin apo i trajnuar nga lëmi përkatëse, dhe i licencuar nga organi kompetent për ushtrimin e veprimtarisë;
12. **"Qendra"**, ka kuptimin e qendrës së themeluar nga Komuna për veprimet me qentë dhe në territorin e komunës.

II. DISPOZITAT E VEÇANTA

1. Kushtet dhe mënyra e mbajtjes së qenëve

Neni 3.

Mbajtësi i qenëve është i obliguar të mbajë qentë në përputhje me dispozitat e ligjeve dhe akteve nënligjore në fuqi që rregullojnë mënyrën e mbajtjes, dhe me dispozitat e kësaj rregullore.

Neni 4.

Në territorin e komunës së Deçanit është e ndaluar mbajtja e qenve të rrezikshëm dhe atyre me potencial të rrezikut, të parapara me dispozitat e ligjeve dhe akteve nënligjore në fuqi.

Neni 5.

1. Mbajtja i qenëve në hapësirat e përbashkëta të ndërtesave dhe oborreve, lëvizja e qenëve , pastrimi i hapësirave nga fekalet etj., i përcaktojnë bashkëpronarët e ndërtesave, shfrytëzuesit e ndërtesave, me pëlqimin e pronarit.
2. Në rast dyshimi të paraqitjes së sëmundjeve ngjitëse, të cilat mund të barten nga qentë te njerëzit, mbrojtjen e personave nga paragrafi 1 të këtij neni, i zbatojnë personat fizikë dhe juridikë të cilët e ushtrojnë veprimtarinë shëndetësore, private dhe publike, në bashkëpunim me organet kompetente të veterinarisë.

Neni 6.

1. Mbajtësi është i obliguar të bëjë kontrollimin e qenve , si dhe të sigurojë kushtet e parapara për mbajtje;
2. Mënyrat e kontrollimit të shumimit të qenve , mund të jenë:
 - 2.1. Veprimtari preventive;
 - 2.2. Sterilizimi ose kastrimi i qenëve .

Neni 7.

Lëvizja e qenëve është e lejuar në hapësirat publike të lejuara nga pronari, shfrytëzuesi i hapësirës, në kushte të përcaktuara, nëse me këtë rregullore nuk është caktuar ndryshe.

Neni 8.

1. Qentë që lëvizin lirshëm ose në zinxhirë, lëvizjet e tyre janë të ndaluara në tregje, varreza, hapësira argëtuese të fëmijëve, lulishte, terrene sportive të parrethuara, pishina, oborre, hapësira të shkollave të parrethuara, si dhe vende të tjera publike, të cilat do të shenjëzohen me shenjë të ndalesës për qentë .
2. Shenjat nga paragrafi 1 i këtij neni, i vendos dhe i mirëmban drejtoria e shërbimeve publike.

Neni 9.

Qentë mund të lejohen të futen në mjetet e transportit publik, me leje të veçantë të organit kompetent për punët e shërbimeve publike.

Neni 10.

Kufizimi i lëvizjes së qenëve sipas kësaj rregulloreje, nuk do të zbatohet për qentë e trajnuar që ndihmojnë njerëzit me nevoja të veçanta.

Neni 11.

Mbajtësi i qenëve është i obliguar që për çdo lëvizje në sipërfaqe publike të Komunës, të mbajë pajisjet për pastrimin e fekaleve - jashtëqitjeve dhe pastrimin e secilës hapësirë që këto kafshë e ndotin;

1.1 Mbajtja e qenve

Neni 12.

1. Qeni i cili mbahet në oborret e parrethuara apo kopsht, duhet të jetë i lidhur me zinxhirë ose i vendosur në hapësirën e caktuar e cila është e siguar që qeni nuk mund të jetë në gjendje të largohet;
2. Mbajtësit nuk i lejohet ta lidhë qenin me zinxhirë, i cili është më i shkurtër se 3 metra, apo trefishin e gjatësisë së qenit, të matur nga maja e bishtit deri në majën e hundës.

Neni 13.

1. Qeni i cili mbahet në oborret e rrethuara ose në kopshte, nuk ka nevojë të lidhet, me kusht që lartësia dhe fortësia e rrethojës ofrojnë siguri për kalimtarët;
2. Mbajtësi i cili mban qenin në mënyrën e paraparë në paragrafin 1 të këtij neni, në vendin e dukshëm duhet ta vendos shenjën me të cilën paralajmëron për qen, dhe duhet të ketë zile në gjendje të rregullt në hyrje të oborrit apo të kopshtit.

Neni 14.

1. Mbajtësi mund ta shëtisë qenin në hapësira publike, atëherë kur qeni është i pajisur me mikroçip dhe zinxhirë.
2. Mbajtësi i qenit të rrezikshëm mundet ta shëtisë qenin në sipërfaqet publike të caktuara nga organi kompetent për shërbime publike, i cili duhet të jetë i lidhur me zinxhirë, i pajisur me mikroçip dhe mbrojtës për nofulla;
3. Organi kompetent për shërbime publike, bën caktimin e vendeve të cekura në paragrafin 2 të këtij neni, në afat prej gjashtë (6) muajve nga dita e hyrjes në fuqi të kësaj rregulloreje.

Neni 15

II .VEPRIMI ME QENTË E BRAKTISUR DHE TË HUMBUR

1. Mbledhjen, transportin dhe akomodimin e qenve të braktisur dhe të humbur e bën kompania e autorizuar/kontraktuar nga Komuna.
2. Mbajtësi i kafshës së humbur është i obliguar që të njoftojë organin që mban regjistrin e qenve, në afat prej tri(3) ditësh.
3. Gjetësi i qenit të braktisur apo të humbur, është i obliguar ta njoftojë organizatën dhe qendrën informative, si dhe t'i ofrojë ndihmesë qenit deri në kthimin e tij te mbajtësi apo të vendosjes në strehimore.

Neni 16.

Mbajtësi i qenve të braktisur apo të humbur, është i obliguar të kompensojë secilin dëm të cilin e shkakton qeni nga momenti i braktisjes apo humbjes, deri te momenti i kthimit te mbajtësi apo organizata për strehim.

1.1 Mbajtja e qenve

Neni 12.

1. Qeni i cili mbahet në oborret e parrethuara apo kopsht, duhet të jetë i lidhur me zinxhirë ose i vendosur në hapësirën e caktuar e cila është e sigurtar që qeni nuk mund të jetë në gjendje të largohet;
2. Mbajtësit nuk i lejohet ta lidhë qenin me zinxhirë, i cili është më i shkurtër se 3 metra, apo trefishin e gjatësisë së qenit, të matur nga maja e bishtit deri në majën e hundës.

Neni 13.

1. Qeni i cili mbahet në oborret e rrethuara ose në kopshte, nuk ka nevojë të lidhet, me kusht që lartësia dhe fortësia e rrethojës ofrojnë siguri për kalimtarët;
2. Mbajtësi i cili mban qenin në mënyrën e paraparë në paragrafin 1 të këtij neni, në vendin e dukshëm duhet ta vendos shenjë me të cilën paralajmëron për qen, dhe duhet të ketë zile në gjendje të rregullt në hyrje të oborrit apo të kopshtit.

Neni 14.

1. Mbajtësi mund ta shëtisë qenin në hapësira publike, atëherë kur qeni është i pajisur me mikroçip dhe zinxhirë.
2. Mbajtësi i qenit të rrezikshëm mundet ta shëtisë qenin në sipërfaqet publike të caktuara nga organi kompetent për shërbime publike, i cili duhet të jetë i lidhur me zinxhirë, i pajisur me mikroçip dhe mbrojtës për nofulla;
3. Organi kompetent për shërbime publike, bën caktimin e vendeve të cekura në paragrafin 2 të këtij neni, në afat prej gjashtë (6) muajve nga dita e hyrjes në fuqi të kësaj rregulloreje.

Neni 15

II .VEPRIMI ME QENTË E BRAKTISUR DHE TË HUMBUR

1. Mbledhjen, transportin dhe akomodimin e qenve të braktisur dhe të humbur e bën kompania e autorizuar/kontraktuar nga Komuna.
2. Mbajtësi i kafshës së humbur është i obliguar që të njoftojë organin që mban regjistrin e qenve, në afat prej tri(3) ditësh.
3. Gjetësi i qenit të braktisur apo të humbur, është i obliguar ta njoftojë organizatën dhe qendrën informative, si dhe t'i ofrojë ndihmesë qenit deri në kthimin e tij te mbajtësi apo të vendosjes në strehimore.

Neni 16.

Mbajtësi i qenve të braktisur apo të humbur, është i obliguar të kompensojë secilin dëm të cilin e shkakton qeni nga momenti i braktisjes apo humbjes, deri te momenti i kthimit te mbajtësi apo organizata për strehim.

Themelimi i strehimores

Neni 17.

1. Të gjithë pronarët e strehimoreve për qenë , duhet të regjistrohen pranë AUV-së, në përputhje me ligjet e Republikës së Kosovës, dhe AUV do të njoftojë komunën për themelimin e tyre;
2. Komuna njofton publikun për strehimoret që operojnë në territorin e saj.

Përgjegjësitë e strehimores

Neni 18.

1. Pronarët e strehimoreve për qenë kryejnë detyrat si në vijim:
 - 1.1 I pranojnë dhe i regjistrojnë raportimet për qentë e braktisur apo të humbur;
 - 1.2 Përkujdesen për zënien, transferimin, akomodimin dhe kujdesin e dinjitetshëm për qentë e braktisur apo të humbur në strehimore;
 - 1.3 U sigurojnë ndihmë veterinarë qenve të braktisur apo të humbur;
 - 1.4 Bëjnë sigurimin e qenit të braktisur në strehimore dhe i ofrojnë akomodim dhe kujdes:
 - 1.4.1 E evidentojnë vendin ku është marrë (emrin dhe informatat për kontaktim të personit që e ka dorëzuar), përshkrimin dhe kushtet e tij;
2. Personeli i strehimores përcakton nëse qeni i përket dikujt dhe raporton me një përshkrim të atij qeni , si dhe të vendndodhjen aktuale të tij/saj, e cila do ta bëjë informatën publike përmes ueb-faqes së saj apo përmes ndonjë mjeti tjetër të përshtatshëm;
 - 2.1.1 Në afat prej 48 orëve pas pranimi në karantinën e cilësdre strehimore, çdo qeni i siguron kontroll fillestar nga një veterinar;
 - 2.1.2 Veterinari vërteton nëse qeni është sterilizuar dhe nëse të gjitha vaksinat janë aktuale. Nga të dhënat në mikroçip apo etiketë, ndonjë zyrtar i strehimores kontakton pronarin për ta marrë qenin. Para se t'ia kthejë kafshën pronarit të saj, strehimorja i azhurnon vaksinat e qenit. Nëse qenit nuk i është vënë mikroçip, strehimorja e shënjon atë me një mikroçip dhe e regjistron në bazë të të dhënave. Strehimorja i ofron sterilizim apo kastrim kafshës, me shpenzimet e mbajtësit/pronarit. Mbajtësi/pronari i qenit ngarkohet me një tarifë, për t'i mbuluar shpenzimet e kujdesit për qenin nga ana e strehimores dhe për t'i inkurajuar mbajtësit që t'i mbajnë në kontroll qentë e tyre. (Herën e dytë, kur qeni e pastertilizuar gjendet i braktisur nga pronari i tij, ajo do të sterilizohet apo kastrohet nga veterinari i strehimores me shpenzimet e mbajtësit);
 - 2.1.3 Nëse qenit nuk i është vënë çipi dhe nëse pronari nuk mund të lokalizohet, veterinari do t'ia japë vaksinat dhe do ta caktojë kafshën për sterilizim, nëse moshë dhe shëndeti i saj e lejojnë këtë. Qeni do të vendoset në mesin e kafshëve të tjera të strehimores, pas një karantine të kërkuar prej dhjetë (10) ditësh;

- 2.1.4 Nëse asnjë pronar apo mbajtës nuk pretendon se qeni është e tij, strehimorja njoftonë për bërje publike që qeni është në dispozicion për adoptim. Qenit do t'i vihet mikroçip dhe do të vaksinohet, sterilizohet, apo kastrohet para se të jetë në dispozicion për adoptim. Strehimorja bën regjistrimin e informatave për pronarin e ri, në bazën e të dhënave të regjistrimit në mikroçip, para se t'ia japë kafshën pronarit;
- 2.1.5 Stafi i strehimores çdo ditë vëzhgon secilin qen në kujdesin e saj dhe lajmëron veterinarin për ndonjë keqësim eventual të gjendjes shëndetësore.
- 2.2 Mbajnë evidencë për të gjithë qentë . Pasi ta marrë kafshën, strehimorja mban evidencë për vendin ku ajo është marrë (emrin dhe informatat për personin që e ka dorëzuar kafshën), përshkrimin fizik dhe gjendjen shëndetësore të saj, si dhe çfarëdo trajtim që i ofrohet asaj. Në rast se ndonjë kafshë largohet nga strehimorja, shënohen emri dhe vendi i personit që e merr atë, së bashku me çdo tarifë me të cilën ai ngarkohet.
- 2.3 Mbajnë evidencë për të gjitha tarifat e ngarkuara në lidhje me kafshët e braktisura dhe ia kthejnë ato Komunës.
3. Mbajtësit e strehimoreve për qenët duhet t'u përmbahen të gjitha kërkesave të kësaj Rregulloreje që kanë të bëjnë me mbajtësit e qenve .
4. Strehimorja e ngarkon mbajtësin e qenit , me të gjitha shpenzimet e bëra në lidhje me ndonjë kafshë të braktisur, përveç nëse me këtë rregullore parashihet ndryshe. Nëse strehimorja ia jep qenin e braktisur një pronari/mbajtësi të ri, strehimorja mund ta ngarkojë mbajtësin e ri me një paushall për shpenzimet materiale.
5. Pronari i strehimores i siguron mjetet për themelimin e strehimores edhe nga burimet si në vijim:
- 5.1 Tarifat për shpenzimet në lidhje me kafshët e braktisura dhe regjistrimin e qenve;
- 5.2 Burimet e tjera (dhuratat, donacionet etj.), të cilat evidentohen dhe raportohen.

Neni 19.

1. Në qendrat strehimore, qenët strehohen në mënyrën si vijon:

- 1.1 Qentë e humbur deri në kthimin te mbajtësi i tyre;
- 1.2 Qentë e braktisur, për të cilat nuk mund të vërtetohet identiteti i mbajtësit;
- 1.3 Qentë për të cilat mbajtësi i tyre nuk mund të sigurojë kushtet e parapara për mbajtjen e tyre;

2. Shpenzimet e vendosjes në qendër të cekur në paragrafin 1 të këtij neni, i bart mbajtësi i qenve , kurse shpenzimet e qenve të cekura në paragrafin 1, nën paragrafi 1.2 të këtij neni, i bart organi përkatës komunal.

3. Kompensimi për vendosje të qenve duhet te rregullohet me nen të veçantë të kësaj rregullore.

Neni 20.

Të gjithë mbajtësit e qenve duhet t'i kenë qentë e tyre të shënuar nga veterinari me mikroçip, të dhëna që duhet t'i ketë edhe Komuna. Shpenzimet për shënjim janë përgjegjësi e mbajtësit. Mikroçipi që mund të lexohet në mënyrë elektronike, duhet të jetë në përputhje me standardet e BE-së, ndërsa të dhënat që regjistrohen aty, duhet të jenë në përputhje me standardet e përshkruara në këtë rregullore. Baza e të dhënave mbahet sipas ligjeve në fuqi.

1. Me qëllim të kthimit të qenve ikanakë, të braktisur apo të lënë prapa tek pronarët e tyre, pronarët e qenve sigurojnë që qentë e tyre janë të shënuar nga veterinari me çip elektronik. Pronarët e qenve po ashtu e fiksojnë një etiketë të qartë dhe lehtësisht të lexueshme në kollaren e qenit të tyre, me informata për emrin dhe numrin e telefonit të pronarit.
2. Pronarët privatë të qenve sigurojnë që qentë e tyre janë të shënuar me çip elektronik dhe etiketë në kollare, siç është përshkruar më lart. Shitësit e qenve, pronarë dhe tregtarë, konsiderohen mbajtës privatë;
3. Operatorët e strehimoreve të qenve do t'i shënojnë ato nën kujdesin e tyre me çip elektronik, siç është përshkruar më lart, si dhe me një shenjë të dytë, siç është ndonjë etiketë veshi;
4. Pronarët e qenve të rritur janë përgjegjës për të siguruar që kjo të ndodhë brenda një muaji pasi ta kenë marrë një qen, apo brenda një muaji pasi ta kenë sjellë një qen në strehimore;
5. Pronarët e këlyshëve janë përgjegjës për të siguruar që regjistrimi i tyre do të bëhet para moshës tre (3) muajsh dhe në cilindo rast, para se pronësia mbi ta të bartet për herë të parë;
6. Qentë e pajisur me mikroçip, të cilët merren jashtë territorit të komunës sonë, nuk kërkohet që të shënohen përsëri, por të dhënat në mikroçip duhet të azhurnohen në Komunë me të dhënat e mbajtësit të ri. Të dhënat për qentë që qëndrojnë në territorin e komunës për më pak se katër (4) muaj, nuk kërkohet që të azhurnohen, por mund të azhurnohen (ky përjashtim nuk vlen për qentë që mbahen nga dyqanet e qenve nga pronari, shitësi apo tregtari i qenve).
7. Qendra krijon bazën e të dhënave për regjistrimin dhe udhëheqjen e të dhënave. Komuna do t'i publikojë procedurat për veterinarët e Kosovës, duke e përdorur bazën e të dhënave. Baza e të dhënave do të përdoret për t'i udhëhequr të dhënat, të cilat veterinarët do t'i regjistrojnë kur t'ia vënë qenit mikroçipin. Në këto të dhëna do të hyjnë:
 - 7.1 Të dhënat personale të mbajtësit, emri dhe informatat për kontaktim;
 - 7.2 Karakteristikat e qenit: raca, gjinia, është i shterpëzuar apo kastruar, data e lindjes, shënjimin (numrin e mikroçipit), vërejtjet lidhur me çfarëdo ndryshimi të

- 7.3 pazakonshëm në pamjen e qenit, data e vaksinës së fundit kundër tërbimit dhe numri i identifikimit të vaksinës, si dhe numri i pasaportës së BE-së.
8. Veterinari i regjistron të dhënat e qenit, dhe të pronarit në kohën kur i vihet mikroçipi. Veterinari mbledhë tarifën komunale, siç është përshkruar në nenin 25 të kësaj rregulloreje, dhe tarifa me informatë i dorëzohet Komunës.
9. Dyqanet, shitësit, tregtarët e qenve dhe strehimoret, duhet të nisin t'i shënjojnë dhe regjistrojnë qentë jo më vonë se më nëntëdhjetë (90) ditë nga dita e hyrjes në fuqi të kësaj rregulloreje.

Transportimi i qenve

Neni 21.

1. Qenët mund të transportohen brenda vendit, nga një lokacion në tjetrin apo jashtë vendit, vetëm nëse qeni është:

- 1.1 i/e pajisur me certifikatë të lëshuar nga AUV-ja;
- 1.2 identifikuar me shenjë identifikimi ose dokumentin e paraqitur në certifikatë;
- 1.3 nuk është përfshirë në kushtet dhe kufizimet të cilat AUV i konsideron të duhura për zbatim;
- 1.4 transporti është në përputhje me dispozitat e përcaktuara ligjore.

2. Lidhur me kushtet dhe mënyrat e transportit të qenve , do të zbatohen dispozitat ligjore për transportin e kafshëve në mënyrë analoge.

Qentë për eksperimente

Neni 22.

Lidhur me përdorimin e qenve për eksperimente,do të zbatohen dispozitat e ligjit dhe aktet nënligjore për eksperimente me kafshë.

Shfrytëzimi i qenve për gara

Neni 23.

- 1. Qenët mund të shfrytëzohen për gara.
- 2. Përfashtim bën organizimi i garave, ku testohet shpejtësia apo fuqia e qenit , me ç' rast mund të pësoj dhimbje, lëndime apo ngordhje, dhe mund të lejohen vetëm në rastet kur kjo është në pajtim me dispozitat ligjore, akteve nënligjore dhe në kontrollin e veterinarit të AUV-së;
- 3. Çështjet tjera që kanë të bëjnë me shfrytëzimin e qenve , rregullohen me aktin nënligjor që ka të bëjë më rekreacionin, garat, sportin, stërvitjen, edukimin, ekspozimin publik, shfaqjen etj.

Vrasja e qenve

Neni 24.

1. Ndalohet vrasja e qenve pa arsye të duhur;
2. Ndalohet vrasja e qenve me qëllim të prodhimit të ushqimit apo produkteve të tjera;
3. Pa i paragjykuar ndalesat që janë paraparë me paragrafët 1 dhe 2, vrasja e qëllimshme e qenve lejohet që të bëhet vetëm nga veterinarët e licencuar. Kjo mund të bëhet vetëm në një mënyrë veterinarë profesionale që quhet eutanazi. Kryesisht, kjo do të bëhet vetëm në këto raste:
 - 3.1 Qeni është në agoni, ka sëmundje të pashërueshme apo është e lënduar rëndë, ndërsa sëmundja apo lëndimi i shkakton kafshës vuajtje të jashtëzakonshme;
 - 3.2 Qeni e rrezikon mjedisin apo shkakton dëm të konsiderueshëm, i cili nuk mund të parandalohet ndryshe;
 - 3.3 Qeni e ka arritur një moshë, në të cilën funksionet vitale të saj janë dobësuar shumë;
 - 3.4 Nëse qeni është mbajtur në strehimore të kafshëve për 90 ditë, nuk mund të lirohet dhe nuk është adoptuar, ajo mund të eutanizohet për t'u liruar hapësirë më shumë qenve të braktisur.
4. Lejohen vetëm masat dhe procedurat veterinarë profesionale të vrasjes së qenve përjashtimisht mund të lejohen vrasjet me armë kur rrezikohet jeta e qytetarëve.
5. Vrasja e paramenduar e ndonjë qeni që kryhet në kundërshti me ligjin dhe me këtë rregullore, konsiderohet vepër penale;
6. Vrasja e qenve mund të ndodhë edhe kur vlerësohet nga organet kompetente komunale në këto raste:
 - 6.1. Kur rrezikohet siguria e qytetarëve, dhe
 - 6.2. Kur ka rrezik nga përhapja e sëmundjeve të ndryshme.

Tarifat

Neni 25.

1. Tarifa vjetore për regjistrimin e qenve :
 - 1.1 Qentë,(e pakastruar/ të pasterilizuar/), njëzet (20) €;
 - 1.2 Qentë,(të kastruar/ të sterilizuar/), pesë (5) €;
2. Tarifa e caktuar në paragrafin 1 të këtij neni, paguhet në momentin e regjistrimit të qenit dhe është e hyrë komunale.
3. Tarifat që mbliidhen për shpenzimet e strehimores do t'i shtohen buxhetit të strehimores drejtpërdrejt;
4. Tarifat që mbliidhen si gjoba komunale do t'i kthehen Komunës nga strehimorja;
5. Të gjitha tarifat e mbledhura nga strehimorja apo veterinari, do të evidentohen dhe do të raportohen.

Gjobat

Neni 26.

1. Për mos regjistrimin e qenit nga ana e pronarëve privatë brenda afatit prej 30 ditëve nga dita e hyrjes në fuqi të kësaj rregulloreje, gjoba është njëzetepesë (25) € për qen.

2. Për mos mbajtjen e qenit në kontroll të pasterilizuar gjatë periudhës së pjellorisë, gjoba është njëzetepesë (25) €, për përsëritje të shkeljes, pesëdhjetë (50) €.
3. Strehimorja që e ka mbajtur qenin me pronar, do ta ngarkojë pronarin e saj me shpenzimet e strehimores, së bashku me një tarifë komunale:
 - 3.1 Shkelja e parë: Shpenzimet e vaksinimit, vënia e mikroçipit (që duhet të mbahet nga strehimorja) plus njëzetepesë (25) € (tarifa komunale).
 - 3.2 Shkeljet e pastajme: Shpenzimet e vaksinimit, vënia e mikroçipit dhe shterpëzimi (që duhet të mbahen nga strehimorja), plus pesëdhjetë (50) € (tarifa komunale).
- 4 Për shkeljet mund të caktohet gjobat komunale prej 25 - 500 €. Krahas kësaj:
 - 4.1 Mosmbajtja në litar - pesëmbëdhjetë (15) € ;
 - 4.2 Mospastrimi - pesëmbëdhjetë (15) € ;
 - 4.3 Mosvaksinimi- njëzetepesë (25) € ;
 - 4.4 Mospërmbajtja e qenit të rrezikshëm - njëqind (100) € ;
 - 4.5 Shitja ilegale e qenve - njëqind (100) € ;

Zbatimi

Neni 27.

Zbatimin e kësaj rregullore e bëjnë inspektorët e veterinarisë në kuadër të Komunës, Agjenciae Ushqimit dhe Veterinës, në raport me lëvizjen e qenve me zinxhirë, zbatimin e dispozitave e bëjnë inspektorët komunalë.

Dispozitat ndëshkimore

Neni 28.

1. Personi fizik do të gjobitet për kundërvajtje me gjobë në shumë prej 15 deri në 100 € nëse:
 - 1.1 E shëtit qenin në sipërfaqet publike ku është e ndaluar lëvizja;
 - 1.2 Nuk bart pajisjet për pastrimin e fekaleve - jashtëqitjeve dhe nuk bënë pastrimin e sipërfaqes të cilën qeni e ndotë;
 - 1.3 E shëtit qenin në sipërfaqe publike pa zinxhirë;
- 2 Prindi i fëmijës, i cili në kohën e kryerjes së kundërvajtjes nga paragrafi 1 i këtij neni, nuk ka mbushur moshën 14 vjeçare, nëse ajo kundërvajtje është në lidhje të drejtpërdrejtë që ka prindi ose kujdestari me fëmijën, do të gjobitet për kundërvajtje me gjobë në shumën prej 25 deri në 100 €.
3. Inspektori komunal do të shqiptojë gjobën mandatore në shumë prej 100 € , për shkeljet e parapara sipas kësaj rregulloreje.

Dispozitat kalimtare dhe të hyrjes në fuqi.

Neni 29.

1. Në rast se dispozitat e kësaj rregullore bien ndesh me ato të ligjit atëherë zbatohen dispozitat ligjore.
2. Kjo rregullore hyn në fuqi 14 ditë nga dita e protokollimit në Zyrën e protokollimit në Ministrinë e Administrimit të Pushtetit Lokal.

KUVENDI I KOMUNËS SË DEÇANIT

01 nr.III-2

Deçan, dt.30.03.2015



Kryesuesi i Kuvendit:
JASHAR DOBRAJ

HYTËSE HLAZNA-INGOING
REPUBLIKA E KOSOVES - REPUBLIKA KOSOVA - REPUBLIC OF KOSOVA
KOMUNA E DEÇANIT - OPSTINA DEÇANE - DEÇANI MUNICIPALITY

Nga: K. Dobraj Nr. Prot: 7551
Osh: 01 Nr. Prot: 02.4.15
Fron: 01 Data: 02.4.15
Nr i fletëve: 01 Nr. Prot: 02.4.15
Nr. Shtypjes: 01 Nr. Prot: 02.4.15
Nr. Pajës: 01 Nr. Prot: 02.4.15

DEÇAN DEÇANE